



« Նոր ժամանակի կրթություն » ՀԿ

ՀԵՐԹԱԿԱՆ ԱՏԵՍՏԱԿՈՐՄԱՆ ԵՆԹԱԿԱ ՌԻՍՏԻՑԻ

ԿԵՐԱՊԱՏՐԱՍՏՄԱՆ ԴԱՍԸՆԹԱՑ

ԱԿԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Հետազոտման թեման՝ Գործնական աշխատանքների իրականացումը «Կերպարվեստ» առարկայի դասավանդման ընթացքում

Առարկան՝ Կերպարվեստ

Հետազոտող ուսուցիչ՝ Մարգարյան Գեղամ Շվարցի

Ռեսուրսային հաստատություն՝ ՃՇՀԱՀ Մ. Աբեղյանի անվան թիվ 3 ավագ դպրոց

Երևան 2023

ԲՈՎԱՆԴԱԿՈՒԹՅՈՒՆ

1.Ներածություն.....	3
2.Գործնական աշխատանքի բովանդակությունը.....	5
3.Բնանկարի ծագման պատմություն.....	11
4.Բնանկարը՝ որպես գործնական աշխատանք,«Կերպարվեստ» առարկայի դասավանդման ընթացքում.....	21
5.Եզրակացություն.....	26
6. Օգտագործված գրականության ցանկ.....	27

ՆԵՐԱԾՈՒԹՅՈՒՆ

Կերպարվեստը կոչված է խթանելու սովորողների մտավոր և հոգևոր ներուժի բացահայտումը, զարգացումը և հարստացումը, ընդհանուր աշխարհայացքի ձևավորումը:

Կերպարվեստի տարբեր տեսակներին հաղորդակցվելը և ինքնուրույն գեղարվեստական գործունեություն իրականացնելը նպաստում է՝

- Իրականության գիտակցական և զգայական ընկալման ձևավորմանը.
- Վերլուծական և ստեղծագործական մտածողության զարգացմանը.
- Անձի ինքնաճանաչմանը, ինքնաարտահայտմանը և մտահորիզոնի ընդլայնմանը.
- Սովորողների գեղարվեստական կրթությանը, գեղագիտական և բարոյական դաստիարակությանը.
- Ազգային-հայրենասիրական և մարդասիրական զգացումների արմատավորմանը:

Ուսուցման գործընթացում մեծ նշանակություն ունի սովորողների ինքնուրույն աշխատանքի հմտությունների ձևավորումը: Մանկավարժական գործընթացում զգալի տեղ են գրավում ինքնուրույն աշխատանքի մեթոդները, ինչը բազմիցս ընդգծել են անցյալի հայտնի ուսուցիչները: Կ.Դ.Ուիչինսկին պնդում է , որ միայն ինքնուրույն աշխատանքը կարող է պայմաններ ստեղծել սովորողների մտածողության խորը տիրապետման և զարգացման համար, իսկ Պ.Ֆ.Կապտերևն ասել է , որ դպրոցը բարելավելու յուրաքանչյուր նոր քայլ ինքնակրթության սկզբունքների կիրառումն է երեխաների դպրոցական կրթության մեջ:

Ժամանակակից մանկավարժության մեջ ամենատարածված խնդիրներից են սովորողների ինքնուրույնության ու նախաձեռնողականության զարգացումը, հաջողության հասնելու մոտիվացիայի խթանումը: Ինքնուրույն և մոտիվացված սովորող ունենալու պահանջը պայմանավորված է կրթական համակարգի կատարելագործմամբ, սովորողին զարգացող կյանքին նախապատրաստելու անհրաժեշտությամբ:

Կրթական համակարգում իրականացվող բարեփոխումները էլ ավելի բարձր պահանջներ են առաջադրում սովորողների մտավոր, հոգևոր և կյանքի համար անհրաժեշտ կարողությունների և հմտությունների տիրապետման նկատմամբ: Այս բարեփոխումները և դրանցից բխող պահանջները մեծապես պայմանավորված են նաև սովորողների մոտ մի շարք կարողունակությունների ձևավորմամբ, որոնք անգնահատելի դեր ունեն սովորողների անձի ձևավորման, զարգացման ապահովման, մտավոր առաջընթացի, բարոյահոգեբանական որակների դաստիարակման և արժեքային համակարգի ձևավորման գործում:

Հետազոտության թեման` բնանկարը որպես գործնական աշխատանք«Կերպարվեստ» առարկայի առարկայի դասավանդման ընթացքում

Հետազոտության արդիականությունը. կրթական համակարգը գնում է նորացման:Բազմաթիվ փոփոխությունների թվում վերանայվում են առաջադրանքների դերը և կատարման ձևերը:Դրանցից մեկն էլ գործնական աշխատանքն է:Կարիք կա դրա նշանակության և իրականացման ձևերի թարմացման , ինչն էլ ապահովում է մեր աշխատանքի արդիականացումը

Հետազոտության նպատակն է ուսումնասիրել գործնական աշխատանքների դերը կրթական համակարգում ,մասնավորապես դասապրոցեսի ժամանակ,տարբերել դրանց առանձնահատկությունները

Հետազոտության խնդիրներն են`

- . սահմանել գործնական աշխատանքների դերն ու նշանակությունը`որպես կրթական համակարգի արդիականացման բաղադրիչ
- . ցույց տալ «Կերպարվեստ » առարկայի դասավանդման ընթացքում գործնական աշխատանքների ուսուցողական ու դաստիարակչական նշանակությունը
- . բնանկարչությունը և նրա դասավանդման հիմնախնդրի պատմության ուսումնասիրում
- . բնանկարչությունը գիտատեսական հիմունքների բացահայտում կերպարվեստի ուսումնան գործընթացում
- . աշակերտների տարիքային և անհատական առանձնահատկությունների վերլուծում բնանկարչության դասավանդման գործընթացու
- . հանրակրթական դպրոցում բնանկարչության դասավանդման մանկավարժական արդյունավետ միջոցների ,ձևատեսությունների ու հնարքների մշակում

Գործնական աշխատանքի բովանդակությունը

Երեխաների մտածողությունը՝ հիմնականում ակնառու-պատկերավոր և ակնառու գործնական է: Պետք է այնպես կազմակերպել ուսուցումը, որ այն նպաստի վերացական մտածողության զարգացմանը: Սովորողին պետք է հասկանալի դարձնել տեսական հասկացությունների իմացության կարևորությունն ու նշանակությունը մարդու պրակտիկ գործունեության մեջ: Նա պետք է հասկանա, թե որքան կարևոր է ձեռք բերած տեսական գիտելիքները կյանքում հանդիպող առօրյա իրադրություններում կիրառել կարողանալը: Սովորողների մեջ նման կարողության առկայությունը նրանց իսկ կրթվածության որակի հիմնական և գլխավոր ցուցանիշն է լինելու ողջ կյանքում: Շատ կարևոր է, որ ուսուցիչը ուսումնական գործընթացը կազմակերպելիս հիմնական շեշտը դնի նաև սովորողների մեջ գործնական կարողությունների ձևավորման և զարգացման հարցերի վրա: Այս տեսանկյունից է, որ արժևորվում է գործնական աշխատանքի դերը՝ ոչ միայն որպես տեսական նյութի ամրապնդման միջոցի, այլև որպես սովորածը գործնականում կիրառելու հնարավորության: Գործնական աշխատանքները կարող են իրականացվել ինչպես դասերի ժամանակ, այնպես էլ դասերից դուրս: Սովորողների կողմից կատարվող այն աշխատանքները, որոնք վերաբերում են նրանց ձեռք բերած գիտելիքների, կարողությունների և հմտությունների գործնական կիրառություններին անվանում են գործնական աշխատանքներ:

Գործնական աշխատանքների հիմնական նպատակներն ու խնդիրներն են.

- ձևավորել և զարգացնել սոցիալական հմտություններ,
- մատուցել կիրառման համար անհրաժեշտ տեսական և գործնական նյութ
- նպաստել անհատի ինքնադրսևորմանը, կենսագործունեությանը և կրթության շարունակականության ապահովումը ուղղված հմտությունների զարգացմանը:

Գիտելիքների որոնումը, դրանց իմաստավորումը, ամրապնդումը, կարողությունների և հմտությունների ձևավորումը և զարգացումը, գիտելիքների ընդհանրացումը և համակարգումը պետք է իրականացվեն գործնական աշխատանքների ընթացքում: Գործնական աշխատանքը, որպես մանկավարժական երևույթ, մի կողմից ուսումնական առաջադրանք է, մյուս կողմից՝ այդ առաջադրանքի կատարման ընթացքում համապատասխան գործունեության՝ հիշողության, մտածողության ստեղծագործական երևակայության դրսևորման ձև, որը սովորողին տալիս է միանգամայն նոր գիտելիքներ:

Հիմնականում գործնական աշխատանքը նպատակաուղղված է երևակայության ստեղծագործական մտածողության դիտարկման, հարցեր տալու կարողությունների զարգացմանը: Գործնական աշխատանքը ուսումնական գործընթացում յուրացված գիտելիքների, կարողությունների և հմտությունների կիրառումն է: Սովորողներին պետք է սովորեցնել հետազոտական հետևյալ ձևերին.

- մտածել ինքնուրույն
- հարցնել մեկ ուրիշից
- կարդալ գրքերում
- տեղեկություն ստանալ համացանցից
- հարցնել համապատասխան մասնագետից
- փորձեր կատարել:

Գործնական աշխատանքի կատարման ժամանակ սովորողը հայտնվում է իր համար ոչ սովորական իրավիճակում, որտեղ անհրաժեշտ է ստեղծագործական մոտեցում, որպեսզի լուծի իր առջև դրված խնդիրը: Գործնական աշխատանքը ենթադրում է ոչ սղանդարտ մտածողություն, ստեղծագործական մտածողություն, նախաձեռնություն ցուցաբերելու կարողություն և հնարամտություն, ինքնուրույն որոշում կայացնելու, անհրաժեշտ տեղեկատվություն որոնելու պատրաստակամություն:

Գործնական աշխատանքների կատարման ընթացքում անհրաժեշտ է պահպանել հետևյալ կանոնները՝

- ցանկացած գործնական աշխատանք պետք է ունենա նպատակ
- գործնական աշխատանքը պետք է համապատասխանի սովորողների կարողություններին
- գործնական աշխատանքի ընթացքում երեխաները պետք է կարողանան կիրառել իրենց մինչ այդ յուրացրած գիտելիքներն ու կարողությունները
- յուրաքանչյուր սովորող պետք է իմանա կատարման ընթացքը և յուրացնի ինքնուրույն գործելու հնարքները

- գործնական աշխատանքի ընթացքում ստացված արդյունքները կամ եզրահանգումները պետք է կիրառվեն ուսումնական գործընթացում
- գործնական աշխատանքի բովանդակությունն ու քայլաշարը պետք է հետաքրքրություն առաջացնի
- գործնական աշխատանքի բոլոր տեսակները պետք է ապահովեն ինքնուրույն ճանաչողական գործողություն ծավալելու կարողությունը:

Գործնական աշխատանքների դասակարգման հիմքում դրվում է սովորողի գործունեության ձևը, և ըստ այդմ գործնական աշխատանքները բաժանվում են 3 խմբի՝ **վերարտադրողական**, որոնք հնարավորություն են տալիս ցուցադրելու՝ ինչ է սովորել և ինչ է կարողանում անել սովորողը, **մասամբ որոնողական**, երբ սովորողը պետք է ոչ միայն ցույց տա՝ ինչ է սովորել և ինչ է կարողանում, այլև կատարի լրացումներ, լուծի իրեն առաջադրված խնդիրը, **ստեղծագործական**, երբ սովորողը ինքը պետք է ինքնուրույն կամ խմբի անդամների հետ լուծում գտնի առաջադրված խնդրի համար՝ ցուցադրելով կարողունակությունների զարգացման որոշակի մակարդակ:

Վերոնշյալից արդեն պարզ է դառնում, որ գործնական աշխատանքները բազմազան են՝ պաստառի ձևավորումից մինչև էքսկուրսիայի ընթացքում տեսածի ու լսածի ներկայացում աղյուսակի, ֆիլմի, ակնարկի տեսքով, երգի հորինումից մինչև նախագծի իրականացում, արդյունքների ներկայացում ու կիրառում: Նշված գործնական աշխատանքները կարող են իրականացվել ինչպես անհատապես, այնպես էլ խմբային աշխատանքի շրջանակում, դպրոցում, տանը կամ այլ վայրում, գնահատվել միավորով կամ բառային բնութագրումներով: Արդյունքները կարող են ներկայացվել սովորողի կամ սովորողների խմբի ընտրությամբ՝ նպատակից ելնելով:

Կարևոր է պահպանել ձևավորող գնահատման բաղադրիչների ամբողջականությունն ու հաջողականությունը: Միշտ պետք է հիշել հետադարձ կապի մասին. առհասարակ ցանկացած աշխատանքից հետո անհրաժեշտ է քննարկել արդյունքները, որպեսզի սովորողները հնարավորություն ունենան արժևորելու աշխատանքի ստեղծագործական և ինքնատիպ մոտեցումները:

Ձևավորող գնահատում գոյություն ունեն գնահատման 3 փոխկապակցված տեսակներ՝ **հայտորոշիչ, ձևավորող և ամփոփիչ:**

Ձևավորող գնահատումը ուսումնական գործընթացի բաղադրիչ է, որի նպատակն է բացահայտել յուրաքանչյուր սովորողի և ամբողջ դասարանի ձեռքբերումները, դժվարությունները, բացթողումները, ուսուցման և ուսումնառության գործընթացի բարելավման համար:

Առանց **հայտորոշման** ուսուցիչները չեն կարող անհրաժեշտ մակարդակով կիրառել ձևավորող գնահատումը, իսկ ձևավորող գնահատման որակն իր հերթին ազդում է միավորային գնահատման արդյունքների վրա: Պահպանելով գնահատման իրականացման հետևողականությունը՝ կարելի է հասնել ուսումնառության արդյունքների բարձր մակարդակի:

Ամփոփիչ/միավորային գնահատումն ուսումնառության ընթացքում սովորողի ձեռքբերումների մակարդակը թվանշանով արտահայտելն է՝ համաձայն առարկայական չափորոշչի:

Դասի հիմքը ուսուցման նպատակն է. և ուսուցչի՝ և սովորողի ողջ գործունեությունը պետք է ուղղված լինի այդ նպատակի իրագործմանը: Նպատակով են պայմանավորվում դասի ընթացքը, մեթոդների, միջոցների ու գնահատման ընտրությունը:

Յուրաքանչյուր դասին ուսուցչի համար կարևոր է խորհել հետևյալ հարցերի շուրջ. Ձևավորող գնահատումը ուսուցչի և սովորողների համատեղ հետադարձ կապի անընդհատությունն է՝ երկկողմ գործունեության ճշգրտման, ուսուցման գործընթացի բարելավման և արդյունավետության բարձրացման նպատակով: Հետադարձ կապը ուսուցչին հնարավորություն է տալիս պատկերացնելու, թե ինչպես է ընթանում ուսուցման գործընթացը, տեղեկատվություն է տրամադրում սովորողների ձեռքբերումների և դժվարությունների մասին:

- Որքանո՞վ են սովորողները հասկացել անցած նյութը:
- Ինչպե՞ս կարող են ստուգել:
- Ո՞ր առաջադրանքն էր դժվար սովորողների համար:

- Եթե առաջադրանքը դժվարություն է առաջացրել, ապա ի՞նչ պետք է փոխել դասավանդման մեթոդներում:
գոյություն ունեն սովորողների ակտիվության մի քանի ուղղություններ.
սովորողի գործուն ընդգրկվածությունը ենթադրում է.
- ուսուցման նպատակների և արդյունքների ընկալում,
- սովորողների կողմից գնահատման չափանիշների ընկալում,
ուսուցչի կողմից համապատասխան հնարների կիրառում:

Դասի նպատակի ընկալումը թույլ է տալիս սովորողին դառնալ գործընթացի կազմակերպման գործուն մասնակիցը: Վերջնարդյունքները ևս պետք է հասկանալի լինեն սովորողներին՝ նրանց դարձնելով գնահատման չափանիշների մշակման մասնակից: Նպատակներն ու ակնկալվող արդյունքները պետք է ակնառու ներկայացված լինեն (գրատախտակին, պաստառին, էկրանին և այլն), որպեսզի ուսուցիչն ու սովորողները հնարավորություն ունենան անդրադառնալու դրանց և ստուգելու իրենց ձեռքբերումները:

Կերպարավեստ առարկայի շրջանակներում հայտորոշիչ գնահատականը կարելի է իրականացել հետևյալ կերպ. դիտարկենք բնանկար թեմայի հայտորոշիչ գնահատումը: Կարելի է աշակերտներին հանձնարարել իրենց պատկերացմամբ բացատրել բնանկար բառը և նկարել ,իրենց նկարի հիման վրա ցույց տալ ,թե որոնք են բնանկարի հիմնական բաղադրիչները ,բացատրել որոնք չեն հանդիսանում բնանկարի բաղադրիչ: Ձևավորող գնահատում կարելի է իրականացնել խմբային աշխատանքներով ,որոնք էլ հիմք կարող են լինել գործնական ածխատանքի համար. Օրինակ՝ կարող ենք նշել թեմայի ամփոփման դասեր և սովորողներին հանձնարարել խումբ-խումբ ներկայացնել բնակարներ: Ամփոփիչ գնահատման ժամանակ կարելի է կազմակերպել աշխատանքների ցուցադրում և քննարկում ,խոսել կառուցվածքից, հեռանկարից ,գույնից ,ծավալից,կոմպոզիցիայից:

Կերպարվեստ առարկայի երկար տարիների մանկավարժական փորձից ելնելով՝ կարելի է առանձնացնել արդյունավ 3 մեթոդներ՝

Ջննական մեթոդ

Ջննական են համարվում այն մեթոդները, որոնց միջոցով սովորողների կողմից ուսումնական նյութի յուրացումը կախում ունի դիտազննական պարագաներից և ուսուցման տեխնիկական միջոցներից: Ջննականությունը հնարավորություն է ընձեռում օբյեկտներին, առարկաներին ծանոթանալ բնական վիճակում և սիմվոլների միջոցով:

«Իյուստրացիա» - այս մեթոդը խնդիր է դնում կամ պահանջում է ուսուցման գործընթացում ուսումնական նյութը հաղորդելիս կիրառել դիտագնական պարագաներ՝ քարտեզներ, պաստառներ, գծագրեր, նկարներ, դիմանկարներ և այլն: Դրանց ցույց տալն ու վերլուծությունը կոչվում է իյուստրացիա: Ուսուցման արդյունավետությունն ավելի բարձր է լինում այն դեպքում, երբ պատմելը, զրույցը, բացատրությունը, դասախոսությունը զուգակցվում են իյուստրացիային, այսինքն՝ ցուցադրմանը:

Խոսքային մեթոդներ

«Պատմել» - այս մեթոդը կիրառվում է ուսուցման բոլոր փուլերում: Պատմելը սկսվում է ներածությունով և ավարտվում ամփոփումով: Շարադրվում կամ պատմվում է ուսումնական նյութի բովանդակությունը՝ խստագույնս պահպանելով սիստեմատիկության և հաջորդականության սկզբունքը: Պատմելու ընթացքում վարպետորեն առանձնացվում է նյութի գլխավոր տարրերը: Գիտելիքները հիմնավորվում է օրինակներով, գիտական փաստերով, համապատասխան իյուստրացիաներով և դեմոնստրացիաներով: Այս մեթոդի կիրառման ժամանակ գործադրվում է մի շարք հնարներ, օրինակ՝ «համեմատության», «համադրության», «սովորողների ուշադրության ակտիվացման» և այլն: Այս մեթոդը հիմնականում կիրառվում է դպրոցական ուսուցման ընթացքում:

Գործնական մեթոդներ

Գործնական աշխատանքները կազմակերպվում և իրագործվում են լայնածավալ թեմաներ ուսումնասիրելուց հետո: Դրանք կրում են ընդհանրացնող բնույթ: Վարժություններն իրենց բնույթով բաժանվում են բանավոր, գրավոր, գրաֆիկական, ուսումնական-աշխատանքային վարժությունների, գործնական աշխատանքների : Դրանցից յուրաքանչյուրն իրականացնելիս սովորողները կատարում են մտավոր և գործնական աշխատանք, որոնք փոխկապակցվում են՝ կանխանշած նպատակին հասնելու համար: Սրանք կատարվում են ուսումնական բոլոր առարկաներից, ուսուցման գործընթացի բոլոր փուլերում: Բոլոր տեսակի վարժությունների բնույթը և մեթոդիկական կախում ունի տվյալ ուսումնական առարկայի առանձնահատկություններից: Գործնական մեթոդը կարելի է իրագործել հետևյալ հնարների գործադրմամբ.

1. առաջադրանքի պլանավորում,
2. առաջադրանքի կատարում,
3. կատարման ընթացքի խթանում,

4. վերահսկողություն,
5. կատարված գործնական աշխատանքի արդյունքների վերլուծություն, թերությունների, սխալների հայտնաբերում:

Բնանկարի ծագման պատմություն

Ընդհանուր բնութագիր: Բնանկար (ֆրանսերեն՝ *paysage, pays* - երկիր, տեղանք), տեսարան կամ որևէ տեղանքի պատկեր է, գլխավորապես գեղանկարչության և գրաֆիկայի մեջ, ինչպես նաև գեղարվեստական ստեղծագործություն, որի պատկերման առարկան բնությունն է: Բացօթյա նկարչությունը հաճախ անվանում են **Պլեյներ** (ֆր.՝ *Pleinair*, բառացի՝ բաց օդ, բացօթյա) գեղանկարչության մեջ տերմին, որով նշվում է արևի լույսի և օդի ազդեցությամբ պայմանավորված գունային փոփոխությունների ողջ հարստության վերարտադրումը նկարում:

Հաճախ պատկերվում են նաև քաղաքի, ճարտարապետական համալիրների, ծովերի տեսարաններ: Շատ անգամ որպես ֆոն է ծառայել հարթաքանդակում, գեղանկարում և գրաֆիկայում: Բնանկարը բնության ձևերի և երևույթների, լույսի, օդի, տարածության գեղարվեստական արտացոլումն է՝ պայմանավորված հեղինակի աշխարհայացքով, մտքերով և զգացմունքով: Բնանկարը կերպարվեստի ինքնուրույն ժանր է, ինչպես նաև կարևոր դեր ունի պատմական և ժանրային նկարներում: Բնապատկերային գեղանկարչությունը բազմադարյան պատմություն ունի:

Բնանկարի որոշ տարրեր սկզբնավորվել են դեռևս Հին աշխարհի արվեստում, բնապատկերային գեղանկարչության սկզբնավորումում կարելի է առանձնացնել նաև, հին հունական, հելլենիստական, հռոմեական, բյուզանդական գեղանկարչությունը, արվեստի այդ ժանրն ինքնուրույն զարգացել է նաև Չինաստանի Տան և Սուն շրջաններում և Ճապոնիայում : Դարերի ընթացքում խնդիրները բնականաբար փոխվել են, որի արդյունքում կայացել է բնապատկերային բնանկարչությունը: Եվրոպայում բնանկարը՝ որպես ավարտուն ժանր, վերջնականապես ձևավորվել է XVII դարում:

Ռեալիստական բնանկարի որոշ տարրեր ի հայտ են եկել դեռևս Վաղ Վերածննդի և Վերածննդի գեղանկարիչների գործերում:



Ալբրեխտ Դյուրեր

Վերածննդի դարաշրջանի նկարիչներն իրենց նկարներում հաճախ ներառել են բնապատկերներ; Ավելի ուշ որոշ նկարիչներ ամբողջությամբ նվիրվում են այդ ժանրին: Տեղանքի պարզ նշանակության և միայն ֆոն հանդիսանալուց բացի, բնանկարը դարձավ գեղանկարչական ստեղծագործության գլխավոր գործոն՝ ձեռք բերելով հստակություն և որոշակիություն, բովանդակելով դարաշրջանի աշխարհայացքի փոփոխությունը:



Լեոնարդո դա Վինչի

Բնանկարի զարգացման շրջանը բնորոշվում է նրանով, որ արվեստի ցանկացած ձևում և ժանրում արտահայտվում է մարդու և շրջապատող միջավայրի նկատմամբ եղած վերաբերմունքի ոչ միայն փորձը, այլ նաև մարդը դիտարկվում է որպես բնության մի մասնիկ, նրանում ունեցած իր տեղով ու դերով: Կայացման այս շրջանում և բնանկարի հետագա զարգացումը կախված է նկարչի աշխարհայացքի ձևավորումից և ազգային առանձնահատկություններից:

Բնանկարի գեղանկարչության հաստոցային ձևերի ստեղծումը նպաստում է բնապատկերի՝ որպես ինքնուրույն ժանր, առանձնացմանը: Իտալական գեղանկարչության դպրոցների շարքում 16–րդ դարում մեծ հաջողությունների է հասնում վենետիկյան դպրոցը նոր ժանրի ստեղծման գործում: Ջորջոնեն և նրա հետևորդները մեծ ուշադրություն են դարձնում բնության թեմաներին՝ մեկնաբանելով այն բանաստեղծորեն և փիլիսոփայորեն:



Ջորջոնե

Բնանկարի համար դա բարձրագույն ծաղկունքի շրջան էր: Շատ վարպետներ մասնագիտանում են գեղանկարչության այդ ժանրում: Հոլանդական բնանկարիչները ստեղծում են բնության պատկերներ, որոնք տարբերվում են ժանրային անսովոր լայն ընդգրկումով: Հոլանդացիները հպարտանում են իրենց երկրով՝ մշակված անհամար դաշտերով, ջրանցքներով, անտառներով:

Այնուհետև այս ժանրի ձևավորման մեջ մեծ ներդրում են ունենում **Բարբիզոնյան դպրոցի** (ֆր.՝ École de Barbizon) ներկայացուցիչները

Անունն առաջացել է Ֆոնտենբլոյի անտառում գտնվող Բարբիզոն գյուղի անունից, որտեղ տևական ժամանակ ապրել են Թեոդոր Ռուսոն, ժան Ֆրանսուա Միլլեն և խմբի այլ ներկայացուցիչներ: Դպրոցի նկարիչները հենվում էին հոլանդացի նկարիչներ Յակոբ վան Ռյոյսդալի, Յան վան Գոյենի և ֆրանսիացի նկարիչներ Նիկոլայ Պուսենի, Կլոդ Լորենի բնանկարների ավանդույթների վրա: Բարբիզոնյան դպրոցի ներկայացուցիչների վրա ազդեցություն են թողել նաև նրանց ժամանակակիցներ ժան Բատիստ Կամիլ Կորոն, Գյուստավ Կուրբեն, Էժեն Դելակրուան:

Դպրոցի հիմնադիրն ու ոգեշնչողը եղել է Թեոդոր Ռուսոն:



Թեոդոր Ռուստ «Ֆոնտենբլոյի անտառը»

19-րդ դարի սկիզբը ֆրանսիական արվեստում նշանավորվել է կլասիցիզմի և ռոմանտիզմի պայքարով: Կլասիցիզմի ներկայացուցիչներ ըբնանկարը հիմնականում դիտարկում էին որպես ֆոն, որտեղ գործում էին դիցաբանական հերոսներ: Դրան հակառակ՝ ռոմանտիկները պատկերում էին ուղղակի գեղեցիկ բնապատկերներ:



Ժյուլ Դյուպրե, «Կաղնիներ Ֆոնտենբլոյում»

Ռուսոյի ստեղծագործական սկզբունքներին առավել մոտ էր կանգնած Դյուպրեն (1811-1889):

Բարբիզոնցիները իրենց հայրենիքի ռեալիստական բնապատկերի կողմնակիցներն էին՝ միաժամանակ այդ ֆոնին պատկերելով աշխատավոր հասարակ մարդկանց: «Այդ հրաշալի բնանկարիչները» ստեղծել են ազգային իրապաշտական բնանկար, որը հսկայական նշանակություն է ունեցել ոչ միայն ֆրանսիական, այլև արվեստի ազգային

ուրիշ դպրոցների վրա: Բարբիզոնցիների առանձնահատկությունը ռեալիստական բնապատկերի ստեղծումն էր՝ իմպրեսիոնիստների համար ուղի հարթելով:

Իմպրեսիոնիզմ (ֆր.՝ Impressionnisme, impression - Տպավորություն), ուղղություն արվեստում ձևավոկվել է XIX դարի վերջին, XX դարի սկզբին: Ծագել է ֆրանսիական գեղանկարչության մեջ, 1860-ական թվականների վերջին 1870-ական թվականների սկզբին ,ուղղության խոշոր ներկայացուցիչներ են եղուարդ Մանեն, Էդգար Դեգան, Կլոդ Մոնեն, Կամիլ Դիսսարոն, Օգյուստ Բենուարը և ուրիշներ:

«Իմպրեսիոնիզմը» որպես տերմին սկսեց օգտագործվել 1874 թվականի ցուցահանդեսից հետո, որտեղ ցուցադրված էր Կլոդ Մոնեի «Տպավորություն: Ծագող արևը» («Impression Soleil levant», 1872, Փարիզ) նկարը:



Կլոդ Մոնե, «Տպավորություն :Ծագող արև»

Ֆրանսիացի վարպետներն իրենց ստեղծագործությունները կապում էին դասական մտածելակերպի հետ՝ ձգտելով բնությունը ներկայացնել, որպես հավերժական, կենսունակ ու շքեղ միջավայր: Ղասականության մտածելակերպն իր արտացոլումն է գտել Նիկոլա Դուսսենի և Կլոդ Լորրենի ստեղծագործություններում:



Կլոդ Մոնե

Նկարիչներն ուսումնասիրում էին լուսավորության բնույթը օրվա տարբեր ժամերին, գույնի վրա լույսի ներգործությունը: Նրանք գերադասում էին նկարել ոչ թե արվեստանոցներում, այլ բացօթյա: Բացօթյա նկարչությունը այլ կերպ անվանում են պլեներ, ֆրանսերենից բառացի թարգմանած նշանակում է բաց օդ, բացօթյա:



Վինսենթ վան Գոգ

Հայ կերպարվեստում իմպրեսիոնիստական մոտեցումներով աչքի ընկնող արվեստագետներից են **Եղիշե Թադևոսյանը** և **Խաչատուր Եսայանը** նրանց ստեղծագործությունները լի են իմպրեսիոնիստական լույսով ,գույնով, տրամադրությամբ և ընկլամամբ:



Եղիշե Թադևոսյան

«Նկարչի բարձրագույն արժեքը նրա կոլորիտն է», ահա Թադևոսյանի խոսքերը, որոնք լավագույնս ներկայացնում են հենց իր ստեղծագործությունը, ով ներկայանում է որպես գույների, լույսի, տրամադրության, էտյուդի վարպետ, նա առավելագույնս

արտացոլեց իմպրեսիոնիզմի լույսն ու օդայնությունը, թեթևությունն ու կենսուրախ անհոգությունը՝ փայլելով գունային նրբերանգների կիրառման վարպետությամբ:

Իր բնանկարներով Խաչատուր Եսայանն իմպրեսիոնիզմի ուղղության մեջ նոր ոճ և երանգավորում է բերել: Նա հայ կերպարվեստի ասպարեզ է մտել որպես նրբազգաց բնանկարիչ, որպես ինտիմ, կամերային բնույթի բնանկարի լավագույն ներկայացուցիչներից մեկը: Կամիլ Կորոյի պես Եսայանն էլ իր բնանկարները լցնում է անձնական քնարական տրամադրությամբ:



Խաչատուր Եսայան

Բնանկարի սկզբնավորումը հայ արվեստում սերտորեն կապված է մանրանկարչության հետ: Միջնադարում հայ ծաղկողները ոճավորված-պայմանական ձևերով պատկերել են բնությունը՝ որպես Հին և Նոր կտակարանների մանրանկարների ֆոն, միջավայր: Մատենադարանում պահվում են միջնադարյան հիանալի մանրանկարներ, որոնցում բազմազան սյուժեներ ծավալվում են բնապատկերի համապատկերի վրա:




13 -րդ դար, Կիլիկյան դպրոց



Վասպուրականի մանրանկարչության դպրոցը

XV-XVI դարերXVIII դարի 2-րդ կեսից հայ արվեստում սկզբնավորվել է բնության հրական պատկերումը:

Հաստոցային գեղանկարչության զարգացման շնորհիվ հայ արվեստում բնանկարը ձևավորվել է իբրև ավարտուն, ամբողջական և ինքնուրույն ժանր: Այս բնագավառում անգնահատելի է Հովհաննես Այվազովսկու դերը. նրա արվեստի անմիջական ազդեցությամբ են բնանկարներ ստեղծել Մանուկ Մահտեսյանը, Վարդան Մախոխյանը, Գևորգ Բաշինջաղյանը և այլ նկարիչներ:



Հովհաննես Այվազովսկի

Գևորգ Բ աշինջաղյան

XIX դարի 2-րդ կեսից բնանկարի զարգացմանը մեծապես նպաստել են Վարդգես Սուրենյանցը, Հնայակ Հակոբյանը, Հնայակ Արծաթապանյանը, Փանոս Թերլեմեզյանը, ապա՝ Մարտիրոս Սարյանը, Եղիշե Թադևոսյանը, Էդգար Շահինը:



Վարդգես Սուրենյանցը




Փանոս Թերլեմեզյան


Արդյունաբերական բնանկարի ժանրը զարգացրել է Գաբրիել Գյուրջյանը: Հայ կերպարվեստում հրաշալի բնանկարներ են ստեղծել Հակոբ Կոջոյանը, Ե. Թադևոսյանը և Սեդրակ Առաքելյանը: Հայրենի բնությունն բազմազան կերպով են ներկայացրել Մարտիրոս Սարյանը, Միեր Աբեղյանը, Մարիամ և Երանուհի Ասլամազյանները, Հովհաննես Զարդարյանը, Արա Բեքարյանը և ուրիշներ: Հայկական բնաշխարհը նորովի են ընկալել XX դարի 2-րդ կեսի նկարիչներ Մինաս Ավետիսյանը, Հակոբ Հակոբյանը, Քնարիկ Վարդանյանը, Վանիկ Շարամբեյանը, Նիկոլայ Քոթանջյանը, Սեյրան Խաթամաջյանը և ուրիշներ:



Միեր Աբեղյան



Մինաս Ավետիսյան



Մարտիրոս Սարյան

Իրապաշտական արվեստը հիմնվում է բնօրինակից նկարչության վրա: Այն իրապաշտական ստեղծագործական գրագիտության հիմքն է: Ըստ Չեստյակովի՝ իսկական արվեստը «միշտ բնության աշակերտն է»:

Բնանկարը որպես գործնական աշխատանք «Կերպարվեստ» առարկայի դասավանդման ընթացքում :

Բնությունը գեղագիտական դաստիարակության մի մասն է և մարդու գեղագիտական ճաշակի մեծագույն դաստիարակը: Մարդը բնության մի մասնիկն է, և այստեղից է սկսվում նրա աշխարհը: Բնության հետ անմիջական շփմամբ ձևավորվում է ստեղծագործ մարդու կերպարը, ուստի դասերը պետք է կառուցել այնպես որ սաների մեջ արմատավորվի սերն առ բնություն : Այս առումով կարևոր է էքսկուրսիաների և զբոսանքների դերը, որոնք ոչ միայն նպաստում են աշակերտների մտավոր զարգացմանը, այլև հարստացնում են նրանց ճանաչողական գործունեությունը, սեփական փորձը և երևակայությունը, մարզում միտքը՝ արթնացնելով հույզեր և հաճելի զգացումներ: Այդ կերպ ձևավորվում է գեղագիտական վերաբերմունք բնության և շրջակա աշխարհի հանդեպ:



Իվան Իվանովիչ Շիշկին

Հենվելով մեր մանկավարժական փորձի վրա՝ կարող ենք պնդել, որ սովորողները ցուցաբերում են առանձնակի ուշադրություն և հետաքրքրություն կերպարվեստի նկատմամբ: Գործնական ու խմբային աշխատանքների ժամանակ վերջիններս ցուցաբերում են ցանկություն՝ ինքնուրույն գործնական առաջադրանքներ կատարելու համար: Վստահ ենք, որ կերպարվեստ առարկայի շրջանակներում բնանկարի ուսումնասիրությունը թույլ կտա, որ սովորողները ձեռք բերեն օժանդակ գիտելիքներ նաև «բնագիտություն» առարկայից:

«Բացօթյա նկարչություն» թեմայով գործնական աշխատանքի արդյունքում կարելի է գրանցել հետևյալ արդյունքները.

- աշխատանքի իրականացումը կօգնի ձևավորել գեղագիտական և աշխատանքային դաստիարակություն
- Սովորողները կհմտանան կոլեկտիվ աշխատանքին
- Սովորողները կմտերմանան ու կհամագործակցեն միմյանց հետ
- Կծանոթանան մշակութային գանձերին
- Սովորողները ձեռք կբերեն համալիր գիտելիքներ ու կարողություններ միջառարկայական կապերի շնորհիվ

Գործնական աշխատանքի մասին տեղեկացվելիս աշակերտները պետք է հստակ պատկերացում ունենան, թե ինչ է պահանջվում իրենցից: Սա աշխատանքի կազմակերպման նախապատրաստական փուլն է :

Տարածության մեջ շատ լավ նկատելի են նկարողին մոտ գտնվող առարակայի համեմատական չափերը, ձևը, ծավալը, նյութը, լուսաստվերը, գունային համադրությունը և այլն: Հեռանալով առարկայից՝ համապատաս անաբար այդ որակները հետզհետե սկսում են կրել փոփոխություններ և վերջապես դառնում են աննշմարելի: Այս երևույթը բնորոշվում է օդային հեռանկարում:



Ի.Լևիտան

Հեռանկար ստեղծող գծերի հատման կետը գտնվում է հորիզոնի գծի վրա, իսկ հորիզոնի գիծը միշտ գտնվում է մեր տեսողության մակարդակի վրա: Կերպարվեստում հեռանկար ստանում են գծերի և գույների միջոցով: Բացօթյա նկարչության մեջ առաջին

ալանը ավելի պարզ է երևում ,լուսավորված մասերը ավելի տաք են ,իսկ ստվերները՝ սառը: Իսկ արվեստանոցում՝ հակառակը:

Տեսողության վրա ազդեցություն է թողնում օդի շերտը:

Օդային միջավայրի ազդեցությունից առարկաները կորցնում են իրենց հստակությունը- ինչքան առարկան հեռու է մեզանից, այնքան օդի ազդեցությունն ավելի շատ է նրա վրա:



Ալֆրեդ Սխալեյ, Շոկ սյուր Լուեն

Չեղանկարում գունային հեռանկարն ունի կարևոր նշանակություն, պատկերվող առարկային հեռավորություն հաղորդելու համար: Առարկաները, հատկապես նրանք, որոնք , հեռվում են ,ունեն մուգ գույն, թվում են երկնագույն, մանուշակագույն:



Պ. Բրեյգել

Հեռանալուն համապատասխան միայն առարկայի գույնը չէ, որ փոխվում է: Մեծ հեռավորությունում, առարկայի ծավալը, մասերը, մակերևութականությունը և նյութականությունը դառնում են քիչ նյութական: Հեռանալուն համապատասխան մուգ առարկաները ավելի լուսավոր են դիտվում ,իսկ լույս առարկաները՝ մթնած, որովհետև կորցնում են գույնի ուժը: Այդ բան շատ լավ նկատելի է լեռներում:



Մարտիրոս Սարյան

- . Յուրաքանչյուր ստեղծագործության մեջ անհրաժեշտ է ունենալ կոմպոզիցիայի կենտրոն
- . Ուշադրություն դարձնել հորիզոնի գծի բարձրության ընտրությանը
- . Հետաքրքիր բնանկարներ ստանալու համար անհրաժեշտ է ընտրել գեղեցիկ տեսարան գույների և երանգների ճիշտ հարաբերությամբ ստանա օդային հեռանկար
- . բնանկարները էլ ավելի հետաքրքիր դարձնելու համար ճիշտ օգտագործել լույսի և ստվերի ,տաք և սառը գույների հարաբերությունները
- . Իմաստային կենտրոնները տեղավորել նկարի աչքի ընկնող հատվածում ,կառուցել ճշգրիտ գծային հեռանկար, ինչն էլ նկարին խորություն կհաղորդի:



Գևորգ Բաշինջադյա

Գործնական աշխատանքի կատարման ընթացքում **հիմնական** փուլում, ուսուցչի նրբանկատ հսկողությամբ կատարվում է գործնական աշխատանքը,ստեղծագործական գործընթացը ընթանում է անկաշկանդ մթնոլորտում: Պլեներային աշխատանքները էլ ավելի հետաքրքիր և սիրված են լինում ,երբ բացօթյա նկարչությունը կատարվում է պատմամշակութային վայրերում ,այս ընթացքում երեխաները ծանոթանում են հայրենի մշակութային ժառանգությանը:

Աշխատանքների ավարտելուց հետո կատարվում է աշխատանքների դիտում, քննարկում և **ամփոփում**:

Նախագծային բնույթի գործնական աշխատանքների ժամանակ աշակերտը պետք է, որքան հնարավոր է, ինքնուրույն աշխատանքի մփորձ ձեռք բերի: Բայց, եթե նա միայնակ թողնված է խնդրի հետ՝ առանց որևէ օգնության, կամ, եթե այդ օգնությունը անբավարար է, ապա դա կարող է ոչ մի օգուտ չտալ նրան: Եթե ուսուցչի օգնությունը չափից ավելի է, ապա ոչինչ չի մնա աշակերտին անելու: Ուսուցիչը պետք է օգնի, բայց ոչ չափազանց շատ և ոչ չափազանց քիչ: Եթե անգամ աշակերտի ուժերից վեր է կատարել ավելին, ապա ուսուցիչը ծայրահեղ դեպքում պետք է ստեղծի ինքնուրույն աշխատանքի պատրանք: Նշանակում է՝ ուսուցչի օգնությունը պետք է լինի զգույշ և չափավոր: Կրթության բարեփոխումների ներկա փուլում շատ կարևոր է սովորողների մեջ ինչպես ինքնուրույն նախաձեռնությունը,այնպես էլ ստեղծագործական ունակություններ զարգացնելը:

Եզրակացություն

Երեխայի գեղարվեստական գործունեության մեջ էական տեղ ունի գեղարվեստական դաստիարակությունը: Գեղարվեստական գործունեությունը նպաստում է երեխաների տարբեր կարողունակությունների դրսևորմանը, հղկմանը, մի շարք նոր հմտությունների ձեռքբերմանը, մտածողության ձևավորմանը, ստեղծագործական երևակայության զարգացմանը, գեղարվեստական ճաշակի զարգացմանը, ինքնադրսևորմանը, ինքնուրույն աշխատելու ունակության ձևավորմանը, ձեռք է բերվում խմբով աշխատելու, ինքնակազմակերպման հմտություններ: Ինքնուրույնության դրսևորումները խթանում են երեխայի զարգացման գործընթացը, նպաստում նոր հաջողությունների ու նվաճումների: Երեխայի ինքնուրույնությունը՝ նրա զարգացման և անձի ձևավորման կարևորագույն գործոն է:

Կատարված հետազոտական աշխատանքը թույլ է տալիս հանգելու հետևյալ եզրակացությունների:

. Կատարվող արդյունավետ գործունեության համար ահրաժեշտ է տեղյակ լինել բնանկարի դասավանդման մեթոդներին և զարգացման պատմաժամանակագրությանը:

. Տիրապետի բնանկարի գեղարվեստական արտահայտչամիջոցներին և կատարման տեխնիկային:

. Կարողանա տիրապետի «Հեռանկար» առարկայի տարրական գիտելիքներին:

Գործնական աշխատանքների ուսուցումը կյանքին կապող լավագույն միջոց է: Գործնական աշխատանքների օգնությամբ գործողությունները վերացական ձևերի մակարդակից փոխադրվում են պատկերային ընկալումների մակարդակ՝ միաժամանակ ստանալով հստակ ձևակերպումներ: Ձևավորող գնահատումը պետք է ընկալվի մանկավարժների և սովորողների կողմից և ապահովվի սովորողների գործուն մասնակցությունը սեփական ուսումնառությանը:

Օգտագործված գրականության ցանկ

1. Հանրակրթության պետական կրթակարգ: Միջնակարգ կրթության պետական չափորոշիչ. – Եր., «Անտարես», 2004:
2. Սովորողների գնահատման հայեցակարգ, ՀՀ ԿԳՆ, Կրթական ծրագրերի կենտրոն, Երևան, 2005:
3. <https://kznakgnahatum.blogspot.com/p/blog-page.html>
4. Շիշմանյան Ռ., Բնանկարն ու հայ նկարիչները, Ե., 1958:
5. Լ. Ներսիսյան «Բնանկար» 2011
6. Մարտիկյան Ե., Հայկական կերպարվեստի պատմություն, գիրք 1-2, Ե., 1971– 75:
7. <https://editprint.am/studentsdata/%D4%BC%D5%B8%D6%82%D5%BD%D5%AB%D5%B6%D5%A5%20%D4%B1%D5%BC%D5%A1%D6%84%D5%A5%D5%AC%D5%B5%D5%A1%D5%B6.pdf>
8. <https://goris3.schoolsite.am//wpcontent/uploads/sites/217/2018/03/%d4%ba%d5%a1%d5%bd%d5%b4%d5%a5%d5%b6%d5%a1->
9. <https://www.arlis.am/documentview.aspx?docid=71908> ՀՀ հանրակրթության մասին օրենք: • <https://escs.am/files/files/2020-07-15/abb6c78e3b3b8b5f8ca3922b1e161f7a.pdf>
10. Կերպարվեստ առարկայի հանրակրթական դպրոցի չափորոշիչ եվ ծրագիր: • Ա.
11. Շագաֆյան Նախագծային ուսուցում, (Կրթություն ամենուր և բոլորին):

